

A M O N T A N A R U

Bidda, zittade, monte o pianura
non b'hada chi no hapas'allegradu,
o Montanaru, cun vena alta e segùra
in limba de Barbagia 'ue ses nadu.

Has de sa zente nostra forte e pura,
interpretadu s'animu e cantadu,
seberadu ses'istadu dai natura
e sa natura umana has'esaltadu.

Cando unu tema tue ti ses'impostu
l'has cumpletadu cun tanta hermosura:
iscriende, unu poema hasa cumpostu
pro tramandare perlas de bravùra.

Desulo, dai Gennargentu t'ha' frunìdu
a sa Sardigna, in tempus bellu e feu:
sos tuos iscrittos hapo remonìdu
pro carignare d'ogni sonnu meu;

e leggende: "Accò sos castanzeris",
m'amento de sa mia pizzinnia:
issos bendende "truddas e tazeris"
falaian'in Logudoro, a bidda mia.

Su Castanzeri